

## ANHANG II.

### *Die ältesten Schneeberger und Annaberger Bergordnungen.*

#### I.

*Ordnung des Kurfürsten Ernst und des Herzogs Albrecht für die Bergwerke außerhalb der Pflege Freiberg.*

Meißen, 1466 Apr. 14. 5

*Hdschr.: Hauptstaatsarchiv Dresden Cop. 58 fol. 391<sup>b</sup>.*

*Ann.: Vergl. oben No. 1048 Ann. und No. 1055.*

Vonn gots gnaden wir, Ernst — unnde Albrecht gebruder — bekennen —, nochdeme unnde als in unnserrn landen unde furstenthumen ussewendig der pflege zcu Friberg vaste vil bergkwegk unnde gruben erregt unnd uffbracht, die dann, als uns 10 worhafftig vorkomen ist, durch unnordenliche arbeyt, czweytracht unnde vorsewmeniß nicht so volkomehlich gefurdert unde gebuwet werden, sam wol not were, uff das nu dieselben bergkwegk alle, der uns nicht vil nicht wissent sint, uns in kunde komen unnde hinfurder desto baß uffbracht unde redelich ane betrig uns unnserrn landen zcu nutz unde gedeyen, auch zcu ynnbregunge unnsers zcenden gearbeit werden mogen, so 15 haben wir ym besten vorgekomen unde bestetiget ein bergkbuch unde bestetigen das von unser furstlichen macht mit crafft diess brives.

[§ 1.] Nemelich das alle bergkwegk in unnserrn landenn unnde furstenthumen ussewendig der pflege zcu Friberg, die itzunt gereyte sint ader hirnochmals furgenomen unde von Hansen Clugen unnserrn geswornnen bestetigten bergkmeister vorlyhen werden 20 ader von ynn ader andern bergkmeistern gereyte vorlyhen wern, sie zcyhen sich zcu golde, silber ader kupfer, czehen ader andern, woran das sey, keynnerley ussgelossen, dem genanten unnserrn bergkmeister von stunt eygentlich vorzeichent gegeben unnde durch ynn unde Caspar Ludewig unnserrn uffgenomen globten unnde geeydten bergkschriber in dasselbige bergkbuch iglichs bey sinem namen mitsampt den gewercken 25 unnde sunderlich, wie unde mit welcher mase unde freyheit die gelyhen sint unde werden, eygentlich geschriben werden sollen, ab irgent czweytracht derhalben entstunden, das sich ein yderman uff dasselbe buch gecziehen unde ein teyl mit dem andern von unnserrn genanten bergkmeistern unnde bergkschriber unnde andern, dy doby not sein wurden,